

古
經
服
緯



20189

古

經

服

緯

雷學濤
雷學洪
釋述

中
華
書
局

20189

叢書集成初編

古經服緯

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

古經服緯

此據畿輔叢書本
排印初編各叢書
僅有此本

古經服緯卷上

清 通州雷鐔述 子學淇釋

古經者自漢以後諸立於學宮之經傳也。服者附也。自首至足凡所附著皆曰服。故春秋左氏傳曰：「衣以整躬。」接物也。服緯者篇名。禮家尊卑嚴內外辨親疏莫詳於服。而祭娶者亦於是兆端焉。故古經之以整躬接物也。服緯者篇名。禮家尊卑嚴內外辨親疏莫詳於服。而祭娶者亦於是兆端焉。故古經之義折衷故今統諸經之言服者縷析而條貫之使之從衡考核皆以無忤竝可因是而得禮意焉。此服緯之義也。

上篇

緊惟大古冒而句領。黃帝氏作制布帛。辨冠履。垂衣裳。章黼黻。以化天下。後聖繼之。制用大備。

此一節述服之始也。大古謂神農以前。冒而句領。尙書大傳文。荀子作務而拘領。淮南子作整而縗領。冒即首服之大名。今作帽。古文作冒。从冂从二。冂者覆下之象。二者象所覆也。凡下覆者皆曰冒。說文以爲小兒及蠻夷頭衣。非是。加目者覆在目上。其爲首服明矣。後世文繁。又加巾耳。務整句拘。古今字。縗即句也。高誘注云。縗領衣皮屈而紩之。五經要義云。大古之時未有布帛。食獸肉而衣其皮。先知蔽前而未知蔽後。此即謂神農以前也。黃帝者少典之子。繼神農氏有天下者。娶西陵氏之女曰雷祖。始教民蠶績。作爲布帛衣服之制。於是乎始。世本曰。黃帝使胡曹作冕。伯余作衣裳。於則作屣履。易大傳

曰黃帝堯舜氏作垂衣裳而天下治。蓋取諸乾坤。大戴禮記曰黃帝斧黻衣大帶黻裳。然則衣冠帶履元黃黻黻之制皆始於黃帝矣。故帝舜曰予欲觀古人之象。後聖繼之者謂唐虞三代也。小戴記禮運曰後聖有作治其絲麻以爲布帛以養生送死以事鬼神上帝。

首服三等冕爲上弁次之冠通稱也。

此下至不服緇撮述首服之等及其名稱也。三等據經文言冕之爲言俛也。文从曰从俛省位彌高志彌下。故冕制象之禮疏云前低一寸二分弁者象形字釋名曰弁如兩手相合拊時漢書輿服志曰制如覆杯前高廣後卑銳蓋其形圓橢略如今之弁帽俗稱瓜皮帽者周官鄭注以弁爲古冠之大號非是。古經無謂五冕爲弁者首服之大號經止謂之冠冠字从冂从元从寸冂卽覆下之象元者首也故儀禮稱冠爲元服寸者度也覆於首而各有制度焉此冠之義也蓋冕弁旣作以後之稱矣古時止謂之冒周人始專以冒爲斂服之名。

黃帝作冕有虞氏夏后收殷人尋周人冕冕曰元冕亦曰麻冕大裘而冕天子服之衮冕鷩冕毳冕絺冕元冕凡五等諸侯及卿大夫之服也絺冕一曰黻冕元冕一曰裋冕。

此一節述冕之異名也黃帝作冕世本文有虞氏皇四句王制文鄭康成注云皇冕屬畫羽飾焉今按皇鳳古字通又皇者大也黃也爾雅曰皇黃鳥飾以畫羽象鳳舒兩翼其形侈大而色黃也收者帝堯冠名史記本紀曰堯黃收純衣集解引大古冠冕圖云夏名冕曰收蓋夏從唐制而變其色也故蔡邕

獨斷曰：夏冠純黑，以堯證舜，則皇亦黃冠，其形侈大，夏人去其羽飾而黑之，故謂之收。殷人又加覆飾，故謂之舄。士冠禮鄭注：舄名出於幘，覆也，所以自覆飾也，卽其義。周官弁師之元冕，周書及魯論之麻冕，皆是冕之大名，元言其色，麻言其物也。配以端衣，則曰元端，一曰端冕。玉藻云：天子元端朝日，諸侯元端以祭，及凡經之稱端冕者，皆是。周官司服之元冕，元乃衣名，玉藻之元端而居，及朝元端，元乃元冠委貌，卽侯國之朝服，所謂端委也。一曰委端，其名雖同，其實各異。鄭注：改前之元端爲元冕，謂王之朝日，侯之自祭，皆元衣而冕，非是。禮言王之朝日，乘龍，載大旂，摺大圭，執鎮圭，乘大路，禮用質柴，豈服反下於驅辜之小祀乎？王及大夫之祀，其先服，皆降於所祭者，各一等。豈公侯之九命，八命，七命者，獨降用三命再命之服乎？此因不知元冕元端各有二義，故誤合之耳。冕字，古經或作綬，猶延字，古經或作綬，此易麻爲純以後之稱也。故字从糸，大裘而冕，以下六等，皆周官司服，文衰驚毳絺元五者，皆衣名，此借服之等，以別冕之差也。諸侯兼內外言三公九卿二十七大夫，爲內諸侯，公侯伯子男爲外諸侯，上公及方伯之國，皆有孤卿，其餘止有卿大夫，此五等之冕，卽其上服也，其差詳見下絺冕，一曰黻冕，見左傳，所謂以黻冕命士會將中軍，且爲大傅也。元冕，一曰裨冕，見覲禮玉藻，曾子問：三經之裨冕，卽荀子所謂大夫裨冕也。蓋元冕在冕服中最卑，故謂之裨冕，此本侯國大夫之上服，諸侯朝於天子，自恐有罪，不敢伸其上服，而降用再命之車服，故皆裨冕。墨車詩云：彼交匪舒，此之謂也。及事畢，猶肉袒，此天子所爲，賜以本命之車服矣。禮注鄭司農以裨冕爲驚冕，鄭康成以爲五冕之通稱，謂卑於

裘冕俱非。是荀子曰：天子山冕，諸侯元冕，大夫裨冕，士韋弁。此因天子之上服十二章有三辰山火，故曰山冕。諸侯之上服，袞鷩毳絺，皆元冕朱裏，故曰元冕。侯國大夫之上服，止元衣而冕，在冕服中最卑，故曰裨冕。爵弁以韋爲之，故又曰韋弁也。

弁，有爵弁、韎弁，素弁皆柔皮爲之，故通曰皮弁，亦曰韋弁。皮弁之有飾者，曰綦弁，一曰會弁。

此一節述弁之異名也。書顧命曰：二人雀弁，執惠。傳云：雀韋弁。疏云：雀弁制如冕，黑色，但無旒耳。周禮弁師疏亦云：無旒之冕與爵弁不殊。鄭康成士冠禮注謂爵弁之色赤而微黑，如爵頭然，或謂之緌，其布三十升。阮詵三禮圖亦云：用布。劉熙釋名則云：用韋。今服緯不從鄭說者，因爵弁乃士之上服，故冠禮之三加昏禮之親迎皆爵弁服，而周禮司服云：士之服，自皮弁而下。荀子曰：大夫裨冕，士韋弁。爵弁既又稱皮弁韋弁，是其制以熟皮爲之，不用布矣。孔疏賈疏知爵弁制如冕者，王制以夏收殷畋，周冕並稱士冠禮以周弁殷畋夏收並記，可知王制之所謂冕，卽士冠禮之爵弁。故漢書輿服志曰：爵弁一名冕，說文有冕字，訓曰冕也。卽專指爵弁言。制既如冕，謂之弁者，賈疏云：前後平，故不得冕名。此卽王侯一命不命之士，祭於公及侯國卿大夫王之上士中士，祭於已之服也。爵弁古字通。○韎弁卽周禮司服之韋弁，弁與衣裳皆用韎韋爲之，故此或專得韋弁之名。何休公羊傳注曰：皮弁武冠，以征不義。孝經注曰：田獵戰伐冠皮弁，是韋弁，亦或稱皮弁矣。蓋皮是大名，揉之使柔，則曰韋，故又爲通稱。鄭氏禮注謂韋弁服有二：聘禮之卿韋弁歸燕簪，注謂其服以韎布爲衣而素裳，其說不見經傳，此因誤以

韋弁爲韎弁之專稱。不知雀弁亦名韋弁也。故服緯不用。○素弁者。王國之朝服。以白鹿皮爲之。不加采染。故禮經專名。此爲皮弁。從其質也。吉凶皆有之。而凶禮之皮弁無飾。吉禮之皮弁有飾。以采玉飾弁之縫中。謂之玉璫。周禮弁師掌王之皮弁會。五采玉璫是也。是曰綦弁。一曰會弁。書曰。四人綦弁。執戈上刃。詩曰。會弁如星。此之謂已。書僞傳及馬鄭王注解綦字各不同。於經傳無佐證。服緯謂綦弁卽璫弁。猶說文之會弁作體弁矣。

冠弁者。元冠也。或皮或布。皮者曰皮冠。布者曰委貌。殷曰章甫。夏曰毋追。弁髦者。緇布冠也。一曰緇撮。自公侯至于士。始冠用之。燕居服之。凡尊者之冠曰弁。

此一節述吉冠之異名也。吉冠有三。曰皮冠。曰元冠。曰緇布冠。皮冠之色亦元。卽冠弁也。周禮司服云。凡甸冠弁服。左傳記衛楚諸君之田射皆皮冠。卽此是矣。公羊傳注云。天子皮弁以征不義。取禽獸行射。合韋弁皮冠爲一。非是。韎弁赤而韋服。皮冠元而布服。其制各殊。不容強合。且冠之中有皮冠。其材同弁。猶弁之中有爵弁。其制同冕也。布冠以元色之布爲之。是曰元冠。周曰委貌。合衣冠言之。則曰端委。亦曰元端。又曰委端。左傳大伯端委以治。周禮少牢饋食主人冠端元。玉藻天子卒食元端而居。穀梁傳桓公委端搢笏以朝諸侯。卽是此服。是爲侯國之朝冠。其三代異名者。儀禮鄭注云。委猶安也。言所以安正容貌。章明也。殷質言以表明丈夫也。甫或作父。今文作斧。母發聲也。追猶堆也。夏后氏質以形名之。其制之異同未聞。劉熙釋名曰。委貌上小下大也。母作牟。以二說稽之。其形製尙可想見。大抵

殷制博大。夏周俱銳上寬下耳。緇布冠形與之同。故一名緇撮。此庶人之上服也。其異於元冠者。元冠有辟積與緇。以元布爲之。緇布冠缺項無緇。以緇布爲之。其色既殊。其制亦異。左傳謂之弁髦者。諸侯至於士始冠。皆用之。既冠去其緇。猶之人子事親。笄總拂髦。親沒則不髦也。蓋緇布冠古本不緇。東周時諸侯之冠禮或加緇。故孔子曰其緇也。吾未之聞也。冠而敝之可也。敝謂敝其緇。卽傳之弁髦也。言冠緇雙止。猶人子之髦彼兩髦耳。經文謂皮冠曰冠。弁緇布冠曰弁髦。衰冠曰服。弁弔冠曰弁絰。故服緯曰凡尊者之冠曰弁。因冠之形制皆上小下大。與弁相似。故通得弁名已。

元冠以上天子皆服之。九命者衰冕。八命七命者驚冕。六命五命者毳冕。四命者絺冕。三命再命一命之大夫。元冕。士之一命不命者爵弁。凡服上得兼下。下不得僭上。庶人之服臺笠緇撮。唯天子不服緇布冠。士以上非燕居不服緇撮。

此一節述首服之等也。元冠至僭上。見周官。經雖小國之大夫亦元冕。見禮記。及周禮注。周官典命云。上公九命爲伯。侯伯七命。子男五命。王之三公八命。其卿六命。其大夫四命。及其出封皆加一等。公之孤四命。其卿三命。其大夫再命。其士一命。侯伯之卿大夫士亦如之。子男之卿再命。其大夫一命。其士不命。衣服各視其命之數。司服曰公之服自衰冕而下。侯伯之服自驚冕而下。子男之服自毳冕而下。孤之服自絺冕而下。大夫之服自元冕而下。士之服自皮弁而下。注又云。王之上士三命。中士再命。下士一命。加以王制三公一命衰。禮器士三旒之說。皆可以參互見義。此卽冕服差等之大凡也。惟是宗

伯之九儀。既云再命受服。今子男一命之大夫。亦元冕者。此因其從政。故特優之。玉藻曰。惟世婦命於奠醊。其他則皆從男子。又曰。一命禮衣。士祿衣。喪大記曰。大夫以元纁。世婦以禮衣。士以爵弁。士妻以稅衣。所謂一命禮衣。卽小國大夫之世婦也。大記所言。則統凡侯國之大夫士言之也。故周禮弁師注云。一命之大夫。冕而無旒。玉藻注。亦云。一命禮衣二句。是子男大夫士之禮。蓋一命者。本應爵弁祿衣。因其從政。特加優命。所謂大夫之服。自元冕而下也。說者每紛亂之。故服緯取證於經。詳見下古之上服節。○庶人之服。臺笠。緇撮者。臺笠。野服。緇撮。禮冠也。臺。卽蓑草。笠。是竹冠。蓑。卽侯莎。夏小正謂之緇。爾雅謂之藹。生水濱。少葉。其心高出。故謂之臺。葺以爲衣。可以禦雨。是謂之蓑。蓑。乃農夫牧豎所必須。故又名夫須。國語謂之檟。漢書地志。莎作懋。卽艸心爲臺之義。爾雅之艾。冰臺。今俗稱蒜臺。韭臺。菜臺。皆是。故毛詩無羊傳云。蓑所以備雨。笠所以禦暑。彼都傳云。臺所以禦暑。笠所以禦雨。蓋互文見義。鄭箋以臺笠爲一物。謂以臺皮爲笠。孔疏從之。而反議傳文。非是。笠字从竹。自是以竹爲簾。以葉爲蓑。戴以蔽日。禦雨。至今尚然。北地無竹。或以茅蒲之葉著之。故管子曰。首戴茅蒲。身衣檟。未聞以莎草之皮爲笠者也。士大夫出有車蓋。雨或衣製。雪被復陶。旣非燕居。與人交接。安有臺笠緇撮。同於草野者。彼都刺衣服無常。故及此耳。

元冕朱裏。遂延前俛。木爲幹。衣以布。承以武。左右有紐。以貫筭也。武旁有統。以繫璜也。結紱於筭。以固冕也。纁玉綴于前。延王旒十二。玉纁五采。九命以下三采。四命以下二采。玉各視其命。數其旒。各有差。一命

者無旒。

此下至冠武同色。述首服之制與飾也。此一節述冕之制飾。周官弁師掌王之五冕。皆元冕朱裏。延紐五采。纁十有二。就皆五采。玉十有二。玉筭朱紃。大戴記子張問入官曰。冕而前旒。所以蔽明也。統纁塞耳。所以弇聰也。小戴記玉藻曰。天子玉藻十有二旒。前後遽延。鄭注云。延冕之覆在上。是以名焉。紐小鼻在武上。筭所貫也。今時冠卷當簪者。就成也。每一币而貫五采玉十二旒。則十二玉也。每就間蓋一寸朱紃。以朱組爲紃也。疏云。古者績麻三十升布染之。上以元。下以朱。衣之於冕之上下云。延者。卽是上元者也。紐者。綴於冕兩旁。垂之武兩旁。作孔以筭貫之。使得牢固也。又注云。紃一條。屬兩端於武。疏引士冠禮注云。有筭者。屈組以爲紃。垂爲飾。無筭者。纁而結其條。此言屬於武者。據筭貫武。故以武言之。其實在筭。此皆冕飾之正解也。論語曰。麻冕禮也。白虎通曰。冕。前倂後仰。故謂之冕。所以用麻爲之者。女功之始。示不忘本。左傳桓二年疏云。蓋以木爲幹。而用布衣之。上元下朱。取天地之色。其長短廣狹。則經傳無文。阮譔三禮圖及漢禮器制度云。冕制皆長尺六寸。廣八寸。天子以下皆同。董巴與服志云。廣七寸。長尺二寸。應劭漢官儀云。廣七寸。長八寸。周官弁師疏。專從漢禮器之說。謂叔孫通取法於周。故還取彼以釋之。今案冕覆之所以稱延者。延卽長義。旣云前後遽延。安有廣七寸而長止八寸者。叔孫通之說最先。故賈疏從之。又周官注。以前後垂旒爲遽延。亦誤。冕延覆出於前後。故曰遽。大戴記明云。冕而前旒。所以蔽明。白虎通亦有垂旒。示不邪視之文。則安得冕後亦有旒乎。王冕有六。而弁師

云五冕者。裘冕與卷冕。王皆十二旒也。注謂裘冕無旒。故不聯數。疏謂祭天取質。冕當無旒。此與郊特牲。戴冕。璫十有二旒之說。相悖。未足據也。○武者冠卷。一名委。雜記所謂委武元綈。而後黻也。蓋古制居冠。屬武。禮冠與武不屬也。故曰承以武筭者。簪也。紃者。紃也。織綫爲條。懸於冠之兩旁。當耳。所以繫頤也。頤卽紃下所垂之充耳。紃者。冕弁之繫也。用組一條。先繫一端於左邊筭上。由耳後垂下。屈從頤下。繞之。至右耳後。順上。結於右邊筭上。使冕弁得固也。纁一作藻。璫乃纁上之玉名。象如水藻。有層節也。一名繁露。旒一作旒。每寸一玉。象繁露之流下也。以纁貫玉。垂於冕延之前端。每一纁爲一旒。每一玉爲一就。王之纁玉皆五采。元黃朱白蒼。九命以下者。三采。無元黃。四命以下者。二采。朱綠而已。蒼卽綠也。禮器所謂朱綠藻矣。王之冕。每旒皆十二玉。長尺二寸。諸公之冕。每旒皆九玉。長九寸。其餘各視其命數。詳見玉藻疏。其旒各有差者。弁師注。謂王之衮冕十二旒。鷩冕九旒。毳冕七旒。絺冕五旒。元冕三旒。蓋視大夫以上之冕。旒有加數也。諸公以下。各如其衣服之節。則凡衮冕者。九旒。鷩冕者。八旒。七旒。毳冕者。六旒。五旒。絺冕者。四旒。元冕者。三旒。或二旒也。惟一命之大夫。冕而無旒。再命以上者。皆有旒。玉所謂再命受服矣。鄭注。謂士皆變冕爲爵弁。與宗伯九儀。禮器士三旒之文。亦皆相悖。非經義。君元統五采。璫飾以玉。四命以下。統三采。璫飾以石。是曰充耳。其材皆骨角。筭一名衡。君玉筭。臣象筭。皆有首。長尺二寸。天子朱紃。諸侯青紃。士緇組紃。繻邊。虞之首服。嚴員。夏卑退。殷員。或曰。夏純黑。前小後大。黑白赤組旒。殷黑而微白。前大後小。黑黃青組旒。

此一節述紃瑱笄紃之等及冕旒形色之異也。魯語敬姜曰：王后親織元紃，公侯之夫人加之以紃紃，夫曰加以紃紃，則夫人亦織元紃可知。故詩箋謂君紃五色，臣三色。魯語專言元者，舉其色之最尊者耳。詩著篇曰：充耳以素乎而，尚之以瓊華乎而；充耳以青乎而，尚之以瓊瑩乎而；充耳以黃乎而，尚之以瓊英乎而。箋謂素青黃卽人臣之紃色，尚猶飾也。三瓊皆石之似玉者。又云：君紃五色，其卽益以元纁與周禮弁師職謂王及諸侯皆玉瑱而詩云充耳琇瑩，充耳琇瑩故鄭箋謂人臣皆石瑱。然楚語曰：巴浦之犀犛兕象其可盡乎，而又以規爲瑱也。是古人充耳之材止用獸之牙角，但飾以玉石耳。故詩云尚之以瓊，毛傳亦解素爲象瑱，瓊華爲美石，可知詩之素青黃卽骨角之色，飾以玉石則光澤益彰。故毛傳又以青黃爲玉色，其實卽瑱之色也。至傳分三色爲士大夫夫人君之異，此不如箋義爲善。女子許嫁已至夫家不應尚不知夫之爵位，故服緯取證經傳之文，節取二家之說焉。○笄者今之簪也，一名衡，故周官追師追衡笄，左傳曰衡紃紃紃昭其度也。所謂衡者卽此笄矣。古笄長尺二寸，橫在首上，故曰衡。二鄭之訓不如詩傳之有據矣。詳見中卷。注士喪禮曰：髻笄纓中，喪服傳曰：箭笄長尺，吉笄尺二寸，吉笄者象笄也。疏云：笄有二種，一是安髮之笄，男子婦人俱有，卽髻笄也。一是冕笄，皮弁笄，衛弁笄，惟男子有，而婦人無，此笄皆長，不惟四寸而已。纓中兩頭闕中央狹以安髮也。箭笄與榛笄皆是凶服之惡笄。吉時大夫士與妻用象，天子諸侯與后夫人用玉。案弁師天子諸侯笄皆玉也，有首者喪服注云：若今刻鏤摘頭矣。○紃者冕弁之繫也。周禮弁師掌王之五冕皆玉笄朱紃，祭義謂天子冕而朱

紘。諸侯冕而青紘。士冠禮。謂皮弁笄。緇弁笄。緇組紘。纁邊。管仲饒益朱紘。鄭注。謂大夫士皆應緇組紘。此卽紘之等也。○虞之首服三句。見春秋繁露。三代改制篇。員古圓字。夏純黑。前小後大。殷白而微黑。前大後小。見蔡邕獨斷。夏冕黑白赤組紘。殷冕黑黃青組紘。見太平御覽。引五經通義。此卽古冕形色之異也。

凡爵弁元。韋弁韎。皮弁白。弁形上銳。皮弁象邸。會飾以璫。璫玉如冕旒之等。笄紘亦如冕。○元冠曰委。卽委貌也。古緇縫。周衡縫。代異制也。田冠以皮。朝冠以布。旁綴兩纓。結于頤下。餘爲纓。天子朱組纓。諸侯丹組纓。士緇組纓。緇布冠缺項。青組纓。屬于缺。無纓。

此二節述弁與冠之制飾形色也。爵弁元者。古之爵色。今日天青。燕尾青。乾鵲之翼。元鳥之尾。其色卽古之天元也。韋弁韎者。以朱染韋爲韎。故字从韋。士冠禮注。謂合韋爲之。染以茅蒐。爲韎。韎卽茹蘆。一名舊茜。今之紅花是也。皮弁白者。古禮衣冠同色。弁師注云。皮弁之服。以十五升白布爲衣。士冠禮注云。皮弁以白鹿皮爲冠。象上古也。此三弁之色各異也。其形制無明文。漢書輿服志曰。弁長七寸高四寸。隋書引五經通義曰。弁高五寸。太平御覽引三禮冠弁圖曰。高尺二寸。未詳孰是。釋名以字形釋之。謂如兩手相合扑時。蓋其形上銳。特爵弁又加覆板耳。周禮謂王之皮弁有象邸。注云。邸下邸也。以象骨爲之。王用象骨爲邸。則餘者或竹木矣。故詩曰。有頍者弁。頍字从支从頁。言著於首上。有邸幹支之。不若冠貌之委下也。賈疏專以象邸爲弁內頂上。未確。會飾以璫。璫玉如冕旒之等者。周官弁師

云。王之皮弁會五采玉璫。又曰。諸侯及孤卿大夫之冕。韋弁皮弁弁絰。各以其等爲之。注云。會縫中也。璫結也。皮弁之縫中。每貫結五采玉十二以爲飾。謂之綦。詩云。會弁如星。又曰。其弁伊綦是也。侯伯璫飾七子男璫飾五玉亦三采。孤則璫飾四三命之卿璫飾三再命之大夫璫飾二玉亦二采。此卽所謂如冕旒之等矣。蓋旒之纁玉有三采二采九玉至二玉之差。此弁之璫飾亦各依其數也。絃弁亦如冕者。天子亦朱絃玉筭。諸侯亦青絃玉筭。孤卿大夫士皆緇絃象筭也。惟士之爵弁無旒。故皮弁亦無璫飾。○元冠曰委卽委貌也。詳見上。漢書輿服志。謂委貌冠長七寸高四寸。制如覆杯。與皮弁同。前高廣後卑銳。禮記檀弓曰。古者冠縮縫。今也衡縫。故喪冠之反吉非古也。注云。縮從也。今禮制衡讀爲橫。今冠橫縫。以其辟積。多按經注之義。蓋古冠之辟積皆直縫。周制皆橫縫。東周以後吉冠橫縫而凶冠直縫。故曰非古也。喪服疏云。喪冠三辟積。吉冠辟積無數。田冠以皮。朝冠以布者。周禮司服曰。凡甸冠弁服。注云。甸田獵也。冠弁委貌。其服緇布衣亦積素以爲裳。諸侯以爲視朝之服。按此鄭氏誤合皮冠元冠爲一也。皮冠以田獵。諸經具有明文。不聞田獵者著朝冠。亦未聞視朝者著皮冠也。公羊傳注合韋弁冠弁爲一。固誤。周禮注合田冠朝冠爲一。亦誤。蓋皮冠之制飾形色與元冠皆同。但皮與布異耳。朝服與元端之衣冠皆同。但裳或各異耳。故服緯止辨田冠朝冠之殊。不復紀元端服之冠制。旁綴兩纁結于頤下。餘爲綏者。此元冠之通制也。纁以組爲之。組卽條也。凡冕弁皆屈一組。繞於頤下。結其組於筭之兩端以爲固。是謂之絃冠。則左右各綴一組於武下。由耳後垂之。結於頤下以爲固。是謂之纁。垂

其餘而委之。是謂之綏。詩曰：冠綏雙止。是也。綏一作蕤。玉藻曰：元冠朱紉纓。天子之冠也。緇布冠纁綏。諸侯之冠也。元冠丹組纓。諸侯之齊冠也。元冠綦組纓。士之齊冠也。此卽冠纓之各有其等矣。○緇布冠者。以黑麻布爲之。漢輿服志曰：進賢冠。古緇布冠也。文儒者之服。前高七寸。後高三寸。長八寸。士冠禮曰：緇布冠缺項。青組纓。屬於缺。注云：缺讀如有頰者弁之頰。緇布冠無笄者。著頰鬋髮際。結項中。隅爲四綴。以固冠也。項中有綴。亦由頰爲之耳。又云：有笄者。屈組以爲紃。垂爲飾。無笄者。纓而結其條。此謂緇布冠。無笄紃以爲固。結頰於項。綴兩纓於頰。垂而結之於頰下也。無綏者。玉藻曰：自天子下達。有事然後綏。雜記曰：大白冠。緇布之冠。皆不蕤。委武元縞。而後蕤。郊特牲曰：始冠之。緇布之冠也。大古冠布。齊則緇之。其綏也。孔子曰：吾未之聞也。冠而敝之可也。據此。是緇布冠。古本無綏。東周後。諸侯或加纁綏。此非禮之禮。故孔子曰：未之聞。玉藻注：乃謂纁綏是尊者之飾。亦非經義。

凡冠者。櫛縱笄總。親在者髻。自天子至于士。冠禮皆三加。天子始加元冠。諸侯以下。皆緇布冠。再加皆皮弁。大夫及再命以上者。三加皆元冕。士之一命不命者。爵弁。庶人無冠禮。以喪冠者。雖三年之喪可也。凡冕與冠之布。皆三十升。武與冠同色。居冠屬武。不綏。凡冠與武。皆有紃。

此一節述著冠之敍。始冠之禮。及冠布之升數。武飾也。禮內則曰：雞鳴。咸盥漱。櫛縱笄總。拂髻。冠綏纓。此卽每日夙興後著冠之序也。盥漱以後。先以櫛梳髮。次以縱韜髮。士冠禮曰：緇布冠。纁綏。廣終幅。長六尺。注云：足以韜髮而結之。卽此纁也。次爲髻。而以笄安之。此笄。卽簪笄也。次乃以黑纁束髮。垂其餘於髻後。